



ՍԴ2/0812/02/21

ՈՐՈՇՈՒՄ

Պարզեցված վարույթ կիրառելու մասին

26 Օգոստոսի 2022թ.

ք. Կապան

Սյունիքի մարզի առաջին ատյանի ընդհանուր իրավասության դատարանը (այսուհետ նաև՝ Դատարան), քննության առնելով թիվ ՍԴ2/0812/02/21 քաղաքացիական գործով պարզեցված վարույթ կիրառելու հարցը,

ՊԱՐԶԵՑ

15.10.2021թ.-ին «ԱԿԲԱ-ԲԱՆԿ» ԲԲԸ-ն /ներկայացուցիչ՝ Անի Արայիկի Ստեփանյան/ փոստին հանձնելու միջոցով հայցադիմում է ներկայացրել Դատարան ընդդեմ Վարշամ Վանյայի Ավագյանի, Գարիկ Վաղինակի Ավագյանի, Վարդան Ռազմիկի Ղուկասյանի՝ համապարտության կարգով 4194215 ՀՀ դրամ գումարի բռնագանձման պահանջի մասին:

Դատարանում հայցադիմումը մուտք է եղել 18.10.2021թ.-ին, որը մակագրվել և հանձնվել է դատավորին 19.10.2021թ.-ին:

Դատարանի 28.10.2021 թվականի որոշմամբ հացադիմումն ընդունվել է վարույթ:

Դատարանի 10.01.2021 թվականի որոշմամբ քաղաքացիական գործով նշանակվել է նախնական դատական նիստ 17.02.2022 թվականին, որը հետաձգվել և նշանակվել է 10.05.2022 թվականին և 26.08.2022 թվականին:

ՀՀ քաղաքացիական դատավարության օրենսգրքի 297-րդ հոդվածի 3-րդ մասի 2-րդ կետի համաձայն՝ առաջին ատյանի դատարանը կարող է պարզեցված վարույթի կարգով քննել նաև այլ գործեր, եթե մինչև գործով ապացուցման պարտականությունը բաշխելու մասին դատարանի որոշում կայացնելը գործին մասնակցող որևէ անձ չի առարկել հայցի դեմ կամ չի ներկայացվել հակընդդեմ հայց:

Տվյալ դեպքում քաղաքացիական գործով ապացուցման պարտականությունը բաշխելու մասին դեռևս որոշում չի կայացվել, իսկ դատավարական փաստաթղթերը ՀՀ քաղաքացիական դատավարության օրենսգրքի 125-րդ հոդվածի 2-րդ, 7-րդ մասերի և 139-րդ հոդվածով սահմանված կարգով ուղարկվել է պատասխանողին, ինչպես նաև վերջիններիս պարզաբանվել է հայցադիմումի պատասխան ներկայացնելու օրենքով սահմանված ժամկետները և կարգը:

Պատասխանողների ծանուցումն իրականացվել է ՀՀ քաղաքացիական դատավարության օրենսգրքի 99-րդ հոդվածով սահմանված կարգով՝ հրապարակային ծանուցմամբ:

Պատասխանողների կողմից առարկություն կամ հակընդդեմ հայց չի ներկայացվել:

ՀՀ քաղաքացիական դատավարության օրենսգրքի 298-րդ հոդվածի 1-ին մասի համաձայն՝ առաջին ատյանի դատարանը գործը պարզեցված վարույթի կարգով քննելու հարցը լուծում է հայցադիմումը վարույթ ընդունելու որոշմամբ, իսկ սույն

օրենսգրքի 297-րդ հոդվածի 3-րդ մասով նախատեսված դեպքերում պարզեցված վարույթ կիրառում է մինչև նախնական դատական նիստի ավարտն առանձին ակտի ձևով կայացված որոշմամբ:

ՀՀ քաղաքացիական դատավարության օրենսգրքի 300-րդ հոդվածի 2-րդ մասի համաձայն՝ առաջին ատյանի դատարանը պարզեցված վարույթի կարգով գործի քննության արդյունքում եզրափակիչ դատական ակտը կայացնում և հրապարակում է պարզեցված վարույթ կիրառելու վերաբերյալ որոշում կայացնելու օրվանից չորս ամսվա ընթացքում:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 17-րդ, 199-րդ, 200-րդ հոդվածներով, 297-րդ հոդվածի 3-րդ մասի և 2-րդ կետով, 298-րդ հոդվածով և 300 -րդ հոդվածի 2-րդ մասով, Դատարանը

ՈՐՈՇԵՑ

1. Թիվ ՍԴ-2/0812/02/21 քաղաքացիական գործով գործով ըստ հայցի՝ «ԱԿԲԱ-ԲԱՆԿ» ԲԲԸ-ի՝ ընդդեմ Վարշամ Վանյայի Ավագյանի, Գարիկ Վաղինակի Ավագյանի, Վարդան Ռազմիկի Ղուկասյանի՝ համապարտության կարգով 4.194.215 ՀՀ դրամ գումարի բռնագանձման պահանջի մասին, կիրառել պարզեցված վարույթ:

2. Եզրափակիչ դատական ակտը կհրապարակվի 21.10.2022 թվականին՝ դատական իշխանության պաշտոնական կայքի՝ «Դատալեքս» դատական տեղեկատվական համակարգի միջոցով:

3. Որոշումն օրինական ուժի մեջ է մտնում կայացման պահից և ենթակա չէ բողոքարկման:

ԴԱՏԱՎՈՐ՝

Ռ. ԱՀԱՐՈՆՅԱՆ